


PAPAKILO Hawaiian Newspapers Collection [Menu](#) ▾Translate
www.hawaii.org


Ko Hawaii Pae Aina / 3 April 1880 / NA NU HOU HAWAII.


Ko Hawaii Pae Aina, Volume III, Number 14, 3 April 1880 — NA NU HOU HAWAII. [ARTICLE]


[Back](#)


NA NU HOU HAWAII.


 E hialelo ana o Mr. Hook ma ka luakini o Kaumakapili i keia po Sabati ae.


 Ua piha pono ka luakini o Roma i kona poo hele pule i ka la Sabati iho nei.


 E halawai ana ko Ahahui Poola i ka Poha o keia pule ae, Aperila 8, maloko o Kaumakapili. Ua makemakeia na lala a pau e hele ae. Ma ko kauoha.

 Ua ilikila ae maloko o ka halawai i ka Poakahi iho nei, he umikumamakahi poe pepa dala i ka po Poaono, a he eono poe Pukiki walaau po mauka o Kalih.


 Ma ka holo ana aku o ka Neti Mela i keia pule iho nei, ua hoihoi aku oia i ke kino make o Kailiwela, e kanuia maluna o kona ilina ma Lahaina.


 O ka huina dala no na apana aina aupuni he 72 i knai kudala ia i ka Poaono i hala, ua hiki aku no ia i ka \$23,575. Ua pokeokeo loa no.


 MA KA LONOHO o ka pule i hala, ua knai kudalala e Mr. E P Adamu, ke ahupuaa o Kaonoulu ma Kula, Maui Hikiina, a ua lilo no ka \$9,000 i ka mea ku o ke ahua.

 Ma ka la Sabati o ka pule i hala ua malamaia ka hoike hapaha o na Kula Sabati o ka ekalesia o Kawaiabao, maloko o ka luakini. Ua maikai a maemae na haawina i hoikeia e na kula ma ia la.

HOPOLOLEI.—Ua komohewa ma ka hoolaha a S K Kaajai no ka wa e hui ai ka Ahahui Kula Sabati o Maui Komohana. O ka Poaono elua o Aperila 10 ka pololei, aole ka la 15.

 I ka po Poaono iho nei, ua hoo-huiia ma ka herita o ka mare, o Kapena Reynolds me Mrs. Kaulaibawana Bush, e Rev. H H Pareka. Ke kalokalo ae nei makau e hoolauumania ia ko laua noho ana iloko o ka mare.

 I ka huli hoi ana mai o ka moku okohola Sea Breeze ma ko kakou nei mau kai, ua ku ae iaia he nala; a iaia i kalewa mai ai ma ka nuku o Mamala, e pu-a ana no kona uwahi puhi kohala.

 I ke kakahiaka Sabati aku nei i hala, ua hoi mai maluna o ka mokuahi Kapena Ki, ka Mea Kiekie R Keelikolani i ukaliia e kona mau aiolo, a hoi loa aku la no kona home ma Kaakopua. Ua maikai a oluolu ke ola o ke alii ma keia huakai aku nei i ka mokupuni o Kauai.

Ua malama ia ka hoike napab a o na Kula Sabati o Kaunakapili. Ua maikai na hana, eleu na haumaaa, a ikaika no hoi na kumu i ke ao-ana. E mahaloia na mea a pau e hooikaika ana no ka holo-mua o ka pono karistiano

Ma ka Poalima Maikai o ka pule i hala, he la hoomanao mau ia hoi e kekahi poe, oia ka la i make ai ka Hoola o ke no nei, ua hoohapa mai la na hae o na Kanikela o na Aupuni e ma ko kakou alo alii, a koe wale no na hae o va Kanikela Amerika me ko Beritania, aole i hoohapa iki. Anoa i ho okoa no paha ko lana manao no na mea e pili ana ia la.

Ma kekahi la o ka pule i hala, ua hoole iho la na Poola o kakou nei ma ka uwapo i ka hana ana ma na moku papa, no ke ko-ole ole o ko lakou koina, e hoomahuahua hou i ka uku hana mai ka elua dala a ke ekolu dala o ka la. No keia mea, ua kii aku la ka poe nona ka hana i na pake no ke dala haralua o ka la, a ko hana nei lakou me ka eleu.

E halawai ana ka Ahabui Euanelio o ka mokupuni o Oahu ma Hauula, ke hiki aku i ka Pualua elua o Aperila, 1880. Nohia ke kauoha ia aku nei na lala a pau e hele mai me ka makaukau i na hawina, a pela no na komite e hoomakaukau mai i ka lakou mau hoike a hoike mai ma ia hawaii. S Waiwaiole,
Lunahoomalu.

Ua make mai nei ma Lahaina ma

ka la Sabati i hala Mar. 21, kela haole i hele a kupa a kamaaina ma ia Malu Ulu, oia o Andrew Walter, o Beka hoi ka iua o kamaaina mawaena o kanaka. He haole Geremania oia i uoho ma Hawaii nei no na makahiki he 27, a o kana hana kaulana he puhii palaoa, a ua oleloia, ua oi ae kona akamai imua o ko na haole e ae e lawelawe nei ma ia oihana.

I ka la 28 o keia malama, ua baptizoia o Mary Kalanienoho Heanu Clark, ka ui i hanaia i Ianuari 26 o keia makahiki, e Uhas. Clark a me kana hapa maikai Jennie. Mahope o ka hoolaaia ana i na hoailona o ka wai, ua malama ae na makua i wahi papalina ohana no ka hoomanao ana ia la hanoiano o ko ke kanaka ola, a ua hakaaha lakou me ka maikai a luki wale i ka aluna ahiahi.

HE MOKU MAL.—I ka po Sabati i hala, ua ku mai ma ka nuku o Mamala, ka moku Hamine mai Honokaona, Kina, ugi iloko o 60 la holo. Ua lawe mai oia he 25 mau pake; aka, ua puka ae nae mawaena o na luita moku, he mai paupu liliu (small pox), oia kela mai ana i luku ia Hawaii nei iloko o 1853-4. Ua make aku he elua ma ka moana, a ua koe hoekahi mai. I ka Poakahi nei; ua hoololo ka Papa Ola, e hoihoi i ka mea mai i Koholaloa; a eia malaila e lajau ia nei, a ua hoomaluia ka moku ma ka nuku o Mamala. Ua lohe mai makou, ua waiho ia aku imua o ke Kubina Kalaiaina kekahi papala hoopii i kakou ia e 80 a oi imua, e noi ana e kipa-ku i ka moku mai, aole nae i hookoia kela noi. Eia ma Koholaloa he halemai i hoomakaukau ai no keia ano mai, a e hoomaluia ana ka mea-mai mai ka lehulehu aku.

This article has been automatically clipped from the Ko Hawaii Pae Aina 3 April 1880, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).
